

書韻樓
叢刊

杜工部集

杜工部集卷第十

近體詩一百二十二首

避賊至鳳翔及收復京師在諫省出華州轉至秦州作

喜達行在所三首

自京竄至鳳翔

西憶岐陽信。無人遂却迴。眼穿當一作看落日。心死著寒灰。霧一作茂樹行相

引。蓮峯一作連山望忽開。所親驚老瘦。辛苦賊中來。

愁思胡笳夕。淒涼漢苑春。生還今日事。閒道暫時人。司隸章初覩。南

陽氣已新。喜心翻倒極。嗚咽淚沾巾。

死去憑誰報。歸來始自憐。猶瞻太白雪。喜遇武功天。影靜千官一云門裏。

心蘇七校前。今朝漢社稷。新數中興年。

得家書

李因篤曰。抗賊高節。而以老瘦辛苦四字隱括之。所謂蘊藉也。唐宋詩醇

周珙曰。如此三詩。神骨意調俱備。孫月峰欲於中取一為唐律壓卷。以此。唐詩選脉會通評林

邵長蘅曰・清真・
杜詩鏡銓

去憑遊客寄。一云休汝騎來爲附家書。今日知消息。他鄉且舊居。熊兒幸無恙。驥子最憐渠。臨老羈孤極。傷時會合疏。二毛趨帳殿。一命侍鸞輿。北闕妖氛滿。西郊白露初。涼風新過雁。秋雨欲生魚。農事空山裏。眷言終荷鋤。一云終篇言荷鋤

奉贈嚴八閣老

扈聖一作今日登黃閣。明公獨妙年。蛟龍得雲雨。鵬鶚在秋天。客禮容疏放。官曹可接聯。新詩句句好。應任老夫傳。

留別賈嚴二閣老兩院補闕

得雲字・嚴武賈至

田園須暫往。戎馬惜離群。去遠留詩別。愁多任酒醺。一秋常苦雨。今日始無雲。山路時一云晴吹角。那堪處處聞。

晚行口號

蔣弱六曰：前半是初酌時，不覺一切放下，後半是酒後，又不覺萬感都集，心事如畫。杜詩鏡銓

陸時雍曰：收京數首多血誠語，憂喜所至，如寫家事。唐詩鏡

三川不可到。歸路晚山稠。落雁浮寒水。飢鳥集戍樓。市朝今日異。喪亂幾時休。遠愧梁江總。還家尚黑頭。

獨酌成詩

燈花何太喜。酒綠一作色正相親。醉裏從爲客。詩成覺有神。兵戈猶在眼。儒術豈謀身。共一作苦被微官縛。低頭愧野人。

收京三首

仙仗離丹極。妖星照玉除。須爲下殿走。不可好樓居。一云：得非羣盜起。難作九重居。暫

屈汾陽駕。聊飛燕將書。依然七廟略。更與萬方初。

生意甘衰白。天涯正寂寥。忽聞哀痛詔。又下聖明朝。羽翼懷一作慚商老。

文思憶帝堯。叨逢罪己日。霑灑一作灑涕望青霄。

汗馬收官闕。春城鏟賊壕。賞應歌杕杜。歸一作福及薦櫻桃。雜虜橫戈數。

王嗣爽曰。此詩為肅宗而作。天運初回。新君登極。將有太平之望。秋期近而月影清也。然嬖倖已為熒惑。所以心愈苦而髮增白耳。杜詩鏡銓

功臣中第高。萬方頻一作同送喜。無乃聖躬勞。

月

天上秋期近。人間月影清。入河蟾不沒。擣藥兔長生。只益丹心苦。能添白髮明。干戈知滿地。休照國西營。

哭長孫侍御

道為謀一作諫一作詩書重。名因賦頌雄。禮闈曾擢桂。憲府舊乘驄。流水生涯

盡。浮雲世事空。唯餘舊臺柏。蕭瑟九原中。

奉送郭中丞兼太僕卿充隴右節度使三十韻 英乂

詔發西山將。秋屯隴右兵。淒涼餘部曲。燁一作烜赫舊家聲。鵬鶚乘時去。

驊騮顧主鳴。艱難須上策。容易即前程。斜日當軒蓋。高一作歸風卷旆旌。

松悲天水冷。沙亂雪山清。和虜猶懷惠。防邊不一作詎敢驚。古來於異域。

鎮靜示一作得專征。燕薊奔封豕。周秦觸駭鯨。中原何慘黷。餘一作遺孽尚縱

橫。箭入昭陽殿。笳吟細柳營。內人紅袖泣。一作短王子白衣行。宸極祆星

動。一作大園陵一作林殺氣平。空餘金碗出。無復總帷輕。毀廟天飛雨。焚宮火

徹明。罌罍朝共落。榆楠夜同傾。三月師逾整。群胡勢就烹。瘡痍一作恭承親

接戰。勇決一作餘勇冠垂成。妙譽期元宰。殊恩且列卿。幾時回節鉞。勦力掃

攬槍。圭竇一作蓬戶三千士。雲梯七十城。恥非齊說客。祇一作甘似魯諸生。通籍

微班忝。周行獨座榮。隨肩趨漏刻。短髮寄一作愧簪纓。徑欲依劉表。還疑

一云能無厭禰衡。漸衰那一作寧此別。忍淚獨含情。廢邑狐狸語。空村虎豹爭。人

頻墜塗炭。公豈忘精誠。元帥調新律。一作樊鼎前軍壓舊京。安邊仍扈從。莫

作一作無使後功名。

送楊六判官使西蕃

仇兆鰲曰。次首申
上首意。上四望弟
歸鄉。承前兵在見
何由。下四望弟音
書。承前人稀書不
到。杜詩鏡銓

送遠秋風落。西征海氣寒。帝京氛祲滿。人世別離難。絕域遙懷怒。和
親願結歡。勅書憐贊普。兵甲望長安。宣命一作令前程急。惟良待士寬。子
雲清自守。今日起爲官。垂淚方投筆。傷時卽據鞍。儒衣山鳥怪。漢節
野童看。邊酒排金盞。一作碗夷歌捧玉盤。一作肥蕃馬健。雪重拂廬乾。慎
爾參籌畫。從茲正羽翰。歸來權可取。九萬一朝搏。

憶弟二首

時歸在南
陸渾莊

喪亂聞吾弟。飢寒傍濟州。人稀吾不到。兵在見何由。憶昨狂催走。無
時病去憂。卽今千種恨。惟共水東流。
且喜河南定。不問鄴城圍。百戰今誰在。三年望汝歸。故園花自發。春
日鳥還飛。斷絕人煙久。東西消息稀。

得舍弟消息

亂後誰歸得。他鄉勝故鄉。直一作若爲心厄苦。久念一作得與一作刊存亡。汝書猶在壁。汝妾已辭房。舊犬知愁恨。垂頭傍我床。

鄭駙馬池臺喜遇鄭廣文同飲

不謂生戎馬。何知共酒杯。燃臍郿塢敗。握宋景文作禿節漢臣回。白髮千莖

雪。丹心一寸晉作片灰。別離經死地。披寫忽登臺。重對秦簫發。俱過阮宅

來。留連一作醉留春夜舞。一作席淚落強徘徊。一云醉連春苑夜舞淚落徘徊

臘日

臘日常年一作年年暖尚遙。今年臘日凍全消。侵陵雪色還萱草。漏洩春光

有一作是柳條。縱酒欲謀良一作長夜醉。還一作歸家初散一云放紫一云北宸朝。口脂面

藥隨恩澤。翠管銀罌下九霄。

紫宸殿退朝口號

戶外昭容紫袖垂。雙瞻御座引朝儀。香飄合殿春風轉。花覆千官淑
 景移。畫漏希聞一作聲高閣報。天顏有喜近臣知。宮中每出歸東省。會送
 夔龍集一作到鳳池。

曲江二首

周瑛曰。冷心曠
 眼。非境定者不能
 道出。唐詩選脉
 會通評林

徐增曰。詩作流連
 光景語。其意甚於
 痛哭也。而庵說
 唐詩

一片花飛減却春。風飄萬點正愁人。且看欲盡花經眼。莫厭傷多酒
 入唇。江上小堂川作棠巢翡翠。花一作苑邊高塚卧麒麟。細推物理須行樂。何
 用晉作事浮名一作榮絆此身。

朝回日日典春衣。每日江頭盡醉歸。酒債尋常行處有。人生七十古
 來稀。穿花蛺蝶深深見。一作舞點水蜻蜓款款飛。一云緩傳語風光共流轉。暫
 時相賞莫相違。

曲江對酒

領聯寫一時偶然之
景。遂爲後賢粉
本。唐宋詩醇

周斑曰。深情婉
韻。娓娓續繼。令
人可思。唐詩選
脈會通評林

苑外江頭坐不歸。水精春宮一云殿轉霏微。桃花細逐楊花落。一云欲共黃
鳥時仍一作兼白鳥飛。縱飲久判人共棄。懶朝眞與世相違。吏一作情更覺
滄州遠。老大悲傷未拂衣。

曲江對雨

晉作
值雨

城上春雲覆苑牆。江亭晚色靜年一作天芳。林花著雨燕脂一作支落。水荇牽
風翠帶長。龍武新軍深一作經駐輦。芙蓉別殿謾焚香。何時詔一作重此金錢
會。暫一作爛醉佳人錦瑟傍。

早朝大明宮呈兩省寮友

賈至

銀燭朝天紫陌長。禁城春色曉蒼蒼。千條弱柳垂青瑣。百轉流鶯
滿建章。劍佩聲隨玉墀步。衣冠身染御鑪香。共沐恩波鳳池裏。朝
朝染翰侍君王。

胡應麟曰。早朝四
詩妙絕今古。工部
詩全首輕揚。較他
篇沉著渾雄。如出
二手。詩數

奉和賈至舍人早朝大明宮

舍人先世
嘗掌絲綸

五夜漏聲催曉箭。九重一作天春色醉仙桃。旌旗日暖龍蛇動。宮殿風微
燕雀高。朝罷香煙攜滿袖。詩成珠玉在揮毫。欲知世掌絲綸美。池上
于一作如今有一作得鳳毛。

同前

王維

絳幘雞人送曉籌。尚衣方進翠雲裘。九天閭闔開宮殿。萬國衣冠
拜冕旒。日色纔臨仙掌動。香煙欲傍袞龍浮。朝罷須裁五色詔。佩
聲歸到鳳池頭。

同前

岑參

雞鳴紫陌曙光寒。鶯囀皇州春色闌。金鎖曉鍾開萬戶。玉堦仙仗
擁千官。花迎劍佩星初落。柳拂旌旗露未乾。獨有鳳凰池上客。陽

春一曲和皆難。

宣政殿退朝晚出左掖

天門日射黃金榜。春殿晴曛赤羽旗。官草微微一作霏霏承委珮。鑪煙細細駐遊絲。雲近蓬萊常好一作五色。雪殘鳩鵲亦多時。侍臣緩步歸青瑣。退食從容出每遲。

題省中院壁

掖垣竹埤梧十尋。洞門對霤一作雪常陰陰。落花遊絲白日靜。鳴鳩乳燕青春深。腐儒衰晚謬通籍。退食遲迴違寸心。袞職曾無一字補。許身愧比雙南金。

春宿左省

花隱掖垣暮。啾啾棲鳥過。星臨萬戶動。月傍九霄多。不寢聽金鑰。因

陸時雍曰。三四筆老而高。且清映絕色。是金馬玉堂人語。唐詩鏡

風想玉珂。明朝有封事。數問夜如何。

送翰林張司馬

一云學士

南海勒碑

相國製文

冠冕通南極。文章落上台。詔從三殿一云天上去。碑到百蠻開。野館濃花發。春帆細雨來。不知滄海上。一云使天遣幾時回。

晚出左掖

晝刻傳呼淺。春旗簇仗齊。退朝花底散。歸院柳邊迷。樓雪融城濕。宮雲去殿低。避人焚諫草。騎馬欲雞棲。朱仲卿車如雞棲馬如狗

曲江陪鄭八丈南史飲

雀啄江頭黃柳花。鵲鵲鷗鷺滿晴沙。自知白髮非春事。且盡芳樽戀物華。近侍即今難浪跡。此身那得更無家。丈人文刊作才力猶强健。豈傍青門學種瓜。

黃生曰。自知白髮句。一氣轉下。勢若連環。格法甚別。杜詩說

紀曉嵐曰。一氣盤旋。清而不弱。非具大神力不能。然此祇是詩家一體。陳後山始專以此見長。瀛奎律髓彙評

送賈閣老出汝州

西掖梧桐樹。空留一院陰。艱難歸故里。去住損春心。宮殿青門隔。雲山紫邏深。人生五馬貴。莫受二毛侵。

送鄭十八虔貶台州司戶傷其臨老陷賊之故闕爲面別情

見於詩

鄭公樗散鬢成絲。酒後常稱老畫師。萬里傷心嚴譴日。百年垂死中兴時。蒼惶一作伶俜已就長途往。邂逅無端出餞遲。便與先生應永訣。九重泉路一作下盡交期。

題鄭十八著作主人

台州地闊一作辟海冥冥。雲水長和島嶼青。亂後一作繼故人雙別淚。春深一作逐客一浮萍。酒酣懶舞誰相拽。詩罷能吟不復聽。第五橋東流恨

水皇陂岸北結愁亭。賈生對鵬傷王傅。蘇武看羊陷賊庭。可念此翁懷^{一作常}直道也。霑新國用輕刑。襴衡實恐遭江夏。方朔虛傳是歲星。窮巷悄然^{一作朝}一云車馬絕。案頭乾死讀書螢。

端午日賜衣

官衣亦有名。端午被恩榮。細葛含風軟。香羅疊雪輕。自天題處濕。當暑著來清。意內稱^{一云恰稱身}長短。終身荷聖情。

贈畢四曜

才大今詩伯。家貧苦官卑。飢寒奴僕賤。顏狀老翁爲。同調嗟誰惜。論文笑自知。流傳江鮑體。相顧免無兒。

酬孟雲卿

樂極傷頭白。更長愛燭紅。相逢難袞袞。告別莫怱怱。但恐天河落。寧

辭酒盞空。明朝牽世務。揮淚各西東。

奉贈王中允維

中允聲名久。如今契闊深。共傳收庾信。不比得陳琳。一病緣明主。三年獨此心。窮愁應有作。試誦白頭吟。

奉陪鄭駙馬韋曲二首

韋曲花無賴。家家惱殺人。綠樽雖盡日。白髮好禁一作傷春。石角鉤衣破。

藤枝一作蘿刺眼新。何時占叢竹。頭戴小烏巾。

野寺垂楊裏。春畦亂水間。美花多映竹。好鳥不歸山。城郭終何事。風塵豈駐顏。誰能共公子。薄暮欲俱還。

寄左省杜拾遺

岑參

聯步趨丹陛。分曹限紫微。曉隨天仗入。暮惹御香歸。白髮悲花落。

青雲羨鳥飛。聖朝無闕事。自覺諫書稀。

奉答岑參補闕見贈

窈窕清禁闥。罷朝歸不同。君隨丞相後。我往一作住日華東。冉冉柳枝碧。

娟娟花藥紅。故人得佳句。獨一作猶贈白頭翁。

送許八拾遺歸江寧觀省甫昔時常客遊。此縣於許生處乞。

瓦棺寺維摩圖樣志諸篇末

詔許辭中禁。慈顏赴一作樊作北堂。一云天語辭中禁。家榮赴北堂。聖朝新孝理。祖席倍輝光。一云行子

倍恩內一作贈帛擎偏重。官衣著更香。淮陰清夜一作續代驛。京口渡江航。春隔

雞人晝。秋期燕子涼。賜書誇父老。壽酒樂城隍。一云竹引趨庭曙。山添扇枕涼。十年過父老。幾日賽城隍。看

畫曾飢渴。追蹤恨一作限森茫。虎頭金粟影。神妙獨難忘。

因許八奉寄江寧旻上人